

**BOSNA I HERCEGOVINA
FEDERACIJA BOSNE I HERCEGOVINE
FEDERALNA UPRAVA CIVILNE ZAŠTITE
INSPEKTORAT**

Broj: 09-44/65-645/16
Sarajevo, 30.11.2016.godine

Na osnovu člana 126.stav 1. Zakona o organizaciji organa uprave u Federaciji BiH («Službene novine F BiH», broj: 35/05), te člana 16. stav 1. Pravilnika o sadržaju i načinu vršenja inspeksijskog nadzora u oblasti zaštite i spašavanja iz nadležnosti federalne i kantonalnih uprava civilne zaštite («Službene novine Federacije BiH», br. 3/07), a polazeći od činjeničnog stanja konstatiranog u Zapisniku o izvršenom inspeksijskom nadzoru u Hercegovačko-Neretvanskom kantonu broj: 09-44/64-634/16 od 23.11.2016. godine, federalni inspektor za mjere zaštite i spašavanje, planske poslove i strukturu civilne zaštite, *donosi*

RJEŠENJE

**o otklanjanju utvrđenih nedostataka i nepravilnosti
u Hercegovačko-Neretvanskom kantonu**

U cilju otklanjanja nedostataka i nepravilnosti konstatiranih u Zapisniku o izvršenom inspeksijskom nadzoru u Hercegovačko-Neretvanskom kantonu broj: 09-44/64-634/16 od 23.11.2016. godine, nalaže se v.d. direktoru Uprave za civilnu zaštitu i vatrogastvo Hercegovačko-Neretvanskog kantona, da preduzme odgovarajuće mjere i aktivnosti kojima će osigurati uvjete da se izvrše svi zadaci predviđeni u ovom rješenju, s obzirom da je odgovoran za sva pitanja u oblasti zaštite i spašavanja koja se, prema Zakonu o zaštiti i spašavanju ljudi i materijalnih dobara od prirodnih i drugih nesreća («Službene novine Federacije BiH», broj 39/03, 22/06 i 43/10 - u daljem tekstu: „Zakon o zaštiti i spašavanju“), nalaze u nadležnosti uprave za civilnu zaštitu i vatrogastvo Hercegovačko-Neretvanskog kantona. Realizaciju predviđenih zadataka treba izvršiti na način koji je objašnjen u obrazloženju ovog rješenja.

1. Da v.d. direktor Uprave za civilnu zaštitu i vatrogastvo Hercegovačko-Neretvanskog kantona, poduzme mjere i aktivnosti da osigura da se iz budžeta Hercegovačko-Neretvanskog kantona, vrati na transakcijski račun sredstava za zaštitu i spašavanje kantona, ukupan iznos od 1.434.299,25 KM koji je utrošen u periodu 2013-2015 i to:

- iznos od 678.000,00 KM, za nabavku vatrogasnih vozila i opreme;
- iznos od 58.379,25 KM, za nabavku opreme za vatrogasce (čizme) i PP aparata;
- iznos od 697.320,00 KM, za nabavku vatrogasnih vozila.

Krajnji rok za povrat sredstava je do 01.06.2017.godine

2. da v.d. direktor Uprave za civilnu zaštitu i vatrogastvo Hercegovačko-Neretvanskog kantona, poduzme mjere i aktivnosti da osigura da se iz budžeta Hercegovačko-Neretvanskog kantona, vrati na transakcijski račun sredstava za zaštitu i spašavanje kantona:

- iznos od 58.266,00 KM, za izradu Procjene ugroženosti i Plana zaštite od požara Hercegovačko-Neretvanskog kantona.

Krajnji rok za povrat sredstava je do 01.06.2017.godine

3. Nakon isteka rokova utvrđenih u ovom rješenju, v.d. direktor Uprave za civilnu zaštitu i vatrogastvo Hercegovačko-Neretvanskog kantona, će o provedenim aktivnosti po ovom rješenju, pismeno informirati Federalnu upravu civilne zaštite, nakon čega će se, prema potrebi, izvršiti ponovni inspekcijski nadzor i postupiti u skladu sa članom 17. Pravilnika o o sadržaju i načinu vršenja inspekcijskog nadzora u oblasti zaštite i spašavanja iz nadležnosti federalne i kantonalnih uprava civilne zaštite («Službene novine Federacije BiH», br. 3/07).

Rok: 15.06.2017.godine

Obrazloženje

Zapisnikom o izvršenom inspekcijskom nadzoru u Hercegovačko-Neretvanskom kantonu broj: 09-44/64-634/16 od 23.11.2016. godine, federalni inspektor za mjere zaštite i spašavanje, planske poslove i strukturu, je utvrdio činjenično stanje da su namjenska sredstva za zaštitu i spašavanje korištena između ostalog:

- iznos od 678.000,00 KM, za nabavku vatrogasnih vozila i opreme;
- iznos od 58.379,25 KM, za nabavku opreme za vatrogasce (čizme) i PP aparata;
- iznos od 697.320,00 KM, za nabavku vatrogasnih vozila;
- iznos od 58.266,00 KM, za izradu Procjene ugroženosti od požara i Plana zaštite od požara Hercegovačko-Neretvanskog kantona; (dokumentacija kopirana i izuzeta od strane inspektora):

Zadatak utvrđen u tački 1. ovog Rješenja naložen je iz razloga što se sredstva posebne namjene mogu koristiti isključivo za namjene utvrđene u članu 183. Zakona o zaštiti i spašavanju i prema Odluci o uvjetima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća («Službene novine Federacije BiH», br. 4/12 i 80/13, u daljem tekstu: Odluka).

Obzirom da nije predviđena mogućnost da se ova sredstva koriste za opremanje profesionalnih i drugih vatrogasnih jedinica, ni je moguća kupovina vatrogasnih vozila za potrebe vatrogasnih jedinica, ovaj se utrošak tretira kao nenamjenski utrošak sredstava za zaštitu i spašavanje.

Zadatak utvrđen u tački 2. ovog Rješenja naložen je iz razloga što prema Odluci, namjenska sredstva nije moguće koristiti za izradu planskih dokumenata kao što su Procjena ugroženosti od požara i Plan zaštite od požara. Tačkom V. naprijed navedene Odluke, korištenje sredstava posebne naknade za zaštitu i spašavanje se vrši na osnovu Godišnjeg plana, između ostalog i za zadatke iz Programa razvoja zaštite i spašavanja i Plana zaštite i spašavanja koji se tokom godine planiraju finansirati, što ne znači da se može finansirati izrada planskih dokumenata.


Pogotovo iz razloga što se u uvodu Odluke o odobravanju plaćanja upravi za civilnu zaštitu i vatrogastvo procjene ugroženosti od požara HNŽ i plana zaštite od požara HNŽ izrađenih od strane ovlaštene pravne osobe (Odluka Vlade HNK broj: 01-1-02-2290/14 od 22.12.2014.godine), navodi da se utrošak vrši na osnovu tačke VIII. Odluke.

Također, zaštita od požara i vatrogastvo se finansiraju u skladu sa „lex specialis“ propisom - Zakon o zaštiti od požara i vatrogastvu („Službene novine Federacije BiH, broj: 64/09), a nikako iz sredstava posebne naknade, odnosno iz sredstava koja se prikupljaju po osnovu Zakona o zaštiti i spašavanju.

Tačkom I Odluke utvrđeno je da su za uslove i način korištenja sredstava ostvarenih po osnovu posebne naknade za zaštitu od prirodnih i drugih nesreća utvrđene u odredbi stava 1. člana 180. Zakona o zaštiti i spašavanju isključivo odgovorni Federalna uprava civilne zaštite, kantonalne uprave civilne zaštite i općinske službe civilne zaštite.

Shodno naprijed navedenom riješeno je kao u dispozitivu ovog rješenja.

Protiv ovog rješenja može se izjaviti žalba direktoru Federalne uprave civilne zaštite u roku od osam dana od dana prijema rješenja.



Dostavljeno:

1. v.d. Direktor Uprave za civilnu zaštitu i vatrogasno Hercegovačko-Neretvanskog kantona
2. Direktor FUCZ
3. Inspektorat FUCZ,
4. a/a